



Møtebok

Råd for menneske med nedsett funksjonsevne

Møtedato: 12.06.2019
Møtested: Møterommet Børilden på kommunehuset
Møtetid: 18:00 - 19:15

Det var orientering om ledsagerordninga (Monika Kvamme)
Det var orientering om Recovery-prosjektet (Unn Iren Martinsen Tangedal)

Frammøtte medlemmer	Rolle
Atle D. Utkilen	Utvalsleiar
Monika Thorpe	Nestleiar
Elsa Skare	Medlem

Forfall meldt frå medlem:	Rolle
Viggo Leirvåg	Medlem
Solbjørg Kari Sætre	Medlem

Frammøtte varamedlemmer:	Rolle
Hardy Pedersen	Varamedlem

Følgjande frå administrasjonen møtte:

Einingsleiar pleie og omsorg Monika Kvamme, konstituert rådmann Olav Mongstad, leiar teknisk drift Rolf-Henning Myrmel, avdelingsleiar plan, byggesak, oppmåling og miljø Asbjørn Nagell Toft, Unn Iren Martinsen Tangedal i Recovery-prosjektet og møtesekretær Ketil Tjore.

Austrheim 13. juni 2019

Atle Dag Utkilen
møteleiar

Ketil Tjore
møtesekretær

Saksliste

Saksnr	Tittel
006/19	Godkjenning av innkalling og saksliste
007/19	Godkjenning av møteprotokoll
001/19	Orientering til RMNF om følgeordninga
009/19	Tilkomst til Idrettsparken og Årås skule
008/19	Orienteringssak

Sakspapir

Saksnr	Utvalg	Type	Dato
006/19	Råd for menneske med nedsett funksjonsevne	PS	12.06.2019

Saksbehandler	Arkiv	ArkivsakID
Ketil Tjore	FE-033	19/443

Godkjenning av innkalling og saksliste

Framlegg til vedtak:

Innkalling og sakliste vert godkjent

Råd for menneske med nedsett funksjonsevne - 006/19

RMNF - behandling:

Rådsleiar Atle Utkilen sa at han sakna to saker til møtet:

1. Folkehelse. Konstituert rådmann Olav Mongstad viste til at denne måtte utsettast, sidan Helge Dyrkolbotn som har hatt ein del av arbeidet med folkehelse no sluttar i kommunen.

2. Universell tilkomst til kommunale bygg. Konstituert rådmann Olav Mongstad sa at denne saka var ferdig førebudd men ikke utsendt. Saka kjem direkte i møtet.

Handsaming i rådet:

Rådmannen sitt framlegg vert samrøystes vedteke

RMNF - vedtak:

Innkalling og sakliste vart godkjent

Saksopplysninger:

.

Sakspapir

Saksnr	Utvalg	Type	Dato
007/19	Råd for menneske med nedsett funksjonsevne	PS	12.06.2019

Saksbehandler	Arkiv	ArkivsakID
Ketil Tjore	FE-033	19/443

Godkjenning av møteprotokoll

Vedlegg:

Protokoll - Råd for menneske med nedsett funksjonsevne - 25.04.2019

Framlegg til vedtak:

Møteprotokoll frå forrige møte vert godkjent

Råd for menneske med nedsett funksjonsevne - 007/19

RMNF - behandling:

Det vart bedt om at møteprotokollen kom ut raskare etter møtet.
Møtesekretær noterer seg dette.

Handsaming i rådet:

Rådmannen sitt framlegg vert samrøystes vedteke

RMNF - vedtak:

Møteprotokoll frå forrige møte vart godkjent.

Saksopplysninger:

Sakspapir

Saksnr	Utvalg	Type	Dato
001/19	Råd for menneske med nedsett funksjonsevne	OS	12.06.2019

Saksbehandler	Arkiv	ArkivsakID
Monika Kvamme	FA-H47	19/469

Orientering til RMNF om følgeordninga

Framlegg til vedtak:

Rådet tar orienteringa til vitande.

Råd for menneske med nedsett funksjonsevne - 001/19

RMNF - behandling:

Denne saka var oppe også på møtet i rådet den 26. april.

Det vart i møtet 12. juni teke opp kvar det hadde vorte av brevet frå NFU, der dei på tampen av 2018 hadde spørsmål om kva følgeordning ein har i kommunen. Elsa Skare hadde sjekka med forbundet at dette brevet var sendt til kommunen. Konstituert rådmann Olav Mongstad beklaga at dette har komme bort og ikkje er postført.

--

Leiar pleie og omsorg Monika Kvamme orienterte om følgeordninga, primært det som kommunen gjer med sine brukarar anten det er støttekontakt/ fritidskontakt.

Kommunen har ikkje noko ledsagartilbod til dei som ikkje har eit tilbod frå kommunen, men ein har diskutert med Frivilligsentralen om det er mogleg å få til noko ved hjelp av frivillige.

Elsa Skare etterlyste at kommunen får utvida sitt tilbod til å omfatta ferie, med overnatting.

Monika Kvamme svara at dette er noko ein diskuterer, og det treng ikkje vera store ekstrakostnader om ein klarer å leiga ei hytte i nærmiljøet, evt Mikkelparken ol. Alle treng ikkje reisa til Syden, brukarane er gjerne glade for noko mindre enn det. Trur det er mogleg å få til noko, om ein set seg ned og diskuterer i lag.

Kommunen er oppteken av å få til ulike aktivitetar, anten det er padling her i Mastrevikane eller kanskje ein tur med rutebussen til Fedje. Det er viktig for brukarane å ha eit aktivt liv, vera med på ting som andre er med på, og oppleva meistring.

Elsa Skare spurte om status for folkehelsekoordinator.

Konstituert rådmann Olav Mongstad svara at ein no har hatt ei deling av dette arbeidet med 25 prosent stilling for Helge Dyrkolbotn og 15 prosent stilling for Anita Soltveit. Soltveit vil ta over hovuddelen av dette, og Asbjørn Toft skal ta det som har vore folkehelse i planarbeid, men omfanget

av folkehelsearbeidet vil ikkje vera som før, no som det vert ei stilling mindre. Folkehelsearbeidet vert redusert framover samanlikna med kva det har vore.

Atle Utkilen viste til at den siste folkehelsemeldinga handlar om einsemd, og at dette er eit viktig tema framover. Det er viktig at fleire er med på ulike tilbod som er sikta inn mot einslege, for å redusera stigma rundt dette.

Monika Kvamme viste til at dette arbeidet mot einsemd er noko ein skal i gang med, for mellom anna å nå ut til dei i aldersgruppa 25-40 år. Ein ser at dette er ei aldersgruppe som kanskje slit ein del, og kommunen vurderer lågterskeltilbod der ein kan berre komma innom, utan press.

Olav Mongstad sa at det er mange tilbod ein har komme i gang med på Seniorsenteret, som har god oppslutnad, medan det også har vore starta tilbod der ein ikkje har hatt like mange med.

Handsaming i rådet:

Rådmannen sitt framlegg vart samrøystes vedteke

RMNF - vedtak:

Rådet tar orienteringa til vitande.

Saksopplysninger:

Bakgrunn

Vurdering

På spørsmål frå NFU om Austrheim kommune har ei ledsagerordning til menneske med utviklingshemming, vil vi her skissera vår praksis med å følgja brukarar til ulike aktivitetar og fritidssysler.

Austrheim kommune, ved pleie og omsorgstenesta, organiserer og gjev tenester til brukarar med ulike bistandsbehov.

Vi gjev brukarar bistand til å delta i fritidsaktivitetar, både i grupper og individuelt.

Mange brukarar har assistanse gjennom døgnet, og går på faste aktivitetar som dei likar å vera med på saman med personalet. Andre brukarar som treng mindre hjelp, har gjerne støttekontakt/ eller fritidskontakt som er med dei på fritidsaktivitetar eller andre sosiale settingar. Mange vel å dra til Bergen for å gå på kino eller eta pizza. Vi ser at brukarane vel mange forskjellige aktivitetar.

Målet er at brukarane skal vera med på dei aktivitetane dei ønskjer og som lar seg gjera. Her ute i Austrheim finn ein på mange felles aktivitetar med ungdomsklubben og andre organisasjonar. Pleie og omsorg organiserer også aktivitetar for brukarane sine.

Transport til ulike aktiviserer har alltid vore ei utfordring. Få brukarar har eigen bil og busstilbodet er heller ikkje optimalt. Difor vert det ofte til at ein vel aktivitetar som er lokale. Både idrettsarrangement og kulturtilbod.

Vi har som mål at våre brukarar har ei meningsfull fritid og samvær med andre.

Brukarane har individuelle vedtak på tenester og der går det fram kva dei har tenester til.

Dei fleste brukarane har veke-planar som dei skriv for kvar veke, kor brukarane i lag med ledsager skriv inn aktivitetar og fritidssysler dei vil gjera/ vera med på i komande veke.

Dei som har støttekontakt/fritidskontakt har vedtak på timar pr veke og eit gitt antal kilometer kvar mnd.

Vi arbeider utfrå at brukarane skal få dekke sine grunnleggande behov og få utvikla generelle ferdigheiter som menneske treng å utvikla. Dette gjer vi med å få fram brukarane sine ønsker og behov, når brukar og støttekontakten møtes for å planlegga kva dei skal gjera i lag på støtte-/fritidskontakt timane. Alle støttekontaktar har ein rettleiar.

Austrheim kommune er opptatt av at brukar får utvikla sine moglegheiter til å delta i samfunnslivet, få gode opplevingar og ha ei meningsfull fritid.

Vi har ingen ledsagerordning for brukarar som ikkje har tenester frå kommunen. Vi har heller aldri fått forespørsel frå innbyggjarar om dette.

Austrheim kommune meiner vi ivaretar og sikrar det enkelte menneske moglegheit til å leve og bu sjølvstendig og at vi sikrar at brukarane har aktiv og meningsfull tilvære i fellesskap med andre.

Konklusjon

Rådet tar orienteringa til vitande.

Sakspapir

Saksnr	Utvalg	Type	Dato
009/19	Råd for menneske med nedsett funksjonsevne	PS	12.06.2019

Saksbehandler	Arkiv	ArkivsakID
Olav Mongstad	FA-Q80	19/170

Tilkomst til Idrettsparken og Årås skule

Vedlegg:

Trafikksikring Årås skule

AIL - brev om tilkomst idrettsparken - april 2019

Svar på brev om tilkomst med bil til Austrheim idrettspark

Framlegg til vedtak:

Fylgjande framlegg frå leiar vert lagt fram til drøfting.

Vår ref

Deres ref

Dato

tilkomst_austrheim_idrettspark_merknad_rmnf.docx

27.05.2019

NOTAT

Sak: **Tilkomst med bil til Austrheim Idrettspark**

Austrheim Idrettslag har sendt brev til kommunen. Dei ynskjer at tilkomstvegen til idrettsparken skal vera open for tilkomst etter kl 1630. Vi ynskjer å knyta nokre kommentarar til saka.

Trafikktilhøva ved Årås skule er ikkje tilfredstillande slik det har vore til no. Ekstra krevande har dette vore for rørslehemma. Vi er derfor glad for at kommunen tar problemet på alvor. Dette handlar tross alt om trafikktryggleik. Vi har ikkje nokon å mista. Vi vonar at trafikktryggleik også er fokuset når ein ser på tilkomsten til idrettsparken.

Det er lett å ha fokus på eigne særinteresser og å bagatalisera konsekvensar når ein ynskjer å oppnå noko. Idrettslaget har fokus på at det skal vera tilkomst heilt fram til idrettsparken. Vi har ingen problem med å forstå det ynskje. Vi vonar likevel at idrettslaget og dei dei representerar også vågar å sjå seg sjølv i speilet.

Vårt ynskje er at ein har med seg nokre refleksjonar, og vektlegg desse dei når ein tenkjer løysningar:

- Null toleranse på personskader – det vonar vi at alle kan vera samd om.
 - Kommunen er opptatt av trygg skuleveg – tilkomst til idrettsparken bør ha same fokus.
 - Kva gjer idrettslaget opp mot foreldre og andre vaksne med haldningar? Må ein alltid kjøre heilt fram til døra?
 - Opnar ein vegane slik dei er utforma i dag, uansett fartsdumpar, medfører dette risiko.
- Tilkomst først og fremst for dei som reelt treng det og naudsynt transport.
 - Noko kan faktisk ikkje gå fram til anlegget, husk det.
 - Skal dei som ved Årås skule, slita med å finna seg ein plass?
- Kor stort/reelt er behovet for å måtte kjøre heilt fram, for kven og kvifor?
 - Det er snakk om 100 – 200 meter, slik det er planlagt.
 - Er det borna som ikkje kan gå
 - Er det oss vaksne/foreldra som ikkje orkar?
 - Tar vi skade av å gå? Er det berre fordi vi skal ha det litt makeleg?

Det er utarbeid godkjent detaljregulering/planendring for området og med vedtekter. Godkjent plan opnar ikkje for fri kjøring inn til Idrettsparken. Det er berre opna for naudsynt kjøring søraust for idrettshallen. Vi vonar at alle respekterer denne.

Vi stiller gjerne opp for å bidra til konstruktive løysingar. Vert det synfaring eller opning for avvik frå gjeldande plan, ynskjer vi å ta del, minimum verta høyringsinstans.

Atle Utkilen

Råd for menneske med nedsett funksjonsevne - 009/19

RMNF - behandling:

Leiar teknisk drift Rolf Henning Myrmel orienterte om saka. Han sa at det har vore ein grundig prosess med planlegginga av dette arealet, og at ein heldt seg til gjeldande plan ved å stenga for biltrafikk fram til idrettsparken.

Avdelingsleiar plan, byggesak, oppmåling og miljø, Asbjørn Toft, peika på at dette er eit skuleområde på dagtid og leikepark/aktivitetsområde på kveld og i helgene. Skuleplassen ved Årås skule er i aktiv bruk nesten heile døgnet, og mykje brukt som rekreasjonsområde. Det vart gjort grundige

vurderingar då Asplan Viak laga dagens plan, etter ein dialog med mellom andre Furuly og skulane. Kommunen laga den gong ny tilkomst til Furuly-bustadene, og fekk stengt gammal veg dit. Dette var ei løysing som var bra for skulen og elevane, og for dei som skulle til og frå Furuly. Seinare kom også Ungdommens hus inn i dette området, med ytterlegare aktivitet.

Toft sa vidare at planen og føresegnene har bestemt at dette området skal vera stengt for alt anna enn handicapbilar og nyttekjøretøy, og dette vart i si tid vedteke samrøystes av kommunestyret. Idretten hadde sitt innspel då om at dei ønskte fri tilkomst, men fekk ikkje gjennomslag for det. Planen seier at besøkande skal parkera nede ved hallen, og gå opp. Om dette skal endrast, må det skje anten gjennom dispensasjon eller planendring, noko som Fylkesmann, Fylkeskommunen og Statens vegvesen må gje sitt syn på.

Myrmel viste til at området er planlagt etter tanken om hjartesonar, der det er meininga at foreldra skal parkera eit stykke unna, og elevane skal kunna gå trygt fram til skulen.

Monika Thorpe spurte kvifor ein ikkje brukar tilkomsten langsmed veggjen på hallen.

Asbjørn Toft svara at tilkomsten forbi skulen/skuleplassen må brukast, då det er for uoversiktleg rundt hjørnet ved idrettshallen.

Hardy Pedersen sa at forbod mot kjøring til bana kan vera utfordrande for trenarar som brukar bilen til å frakta utstyr frå den eine bana til den andre. Men om slik bruk er innanfor dispensasjon sdom enkelte kan få, så er det OK.

Asbjørn Toft sa at dersom det er tale om 15 ballar og treningstøy så er det nyttekjøring, men om det er to ballar så er det ikkje nyttekjøring.

Hardy Pedersen sa at det kan sjå ut for at idrettslaget er den store stygge ulven her, men det er også andre brukarar som kjører til fotballbana. Dialogen mellom idrettslaget og kommunen har ikkje vore god, det må fleire ta kritikk for.

Toft svara at alle må retta seg etter det som er bestemt, og ikkje ta omattkampar. Det skal vera trygt å ferdast ved skulen, dette skal vera på born sine premisser. Administrasjonen held seg til det som er bestemt tidlegare. Ønsker at det skal vera lagt til rette for å gå meir enn i dag.

Monika Thorpe spurte korleis trafikken skal stoppast.

Myrmel svara at formannskapet som skiltmynde har vedteke at rundkjøringa skal skiltast med innkjøring forbode, med dispensasjonar for handicap, bussar, og varelevering. Håpar at brukarane respekterer skiltinga, alternativet er at det vert sett opp bom, der trenarar kan låsa med same brikke som til hallen. Men med skilting og respekt for dette skal det ikkje vera problem med dette.

Olav Mongstad sa at han er forbausa over temperaturen i saka. Det er kalla inn til eit møte for ein del instansar internt, og deretter lagt opp til ein dialog med idrettslaget. Bom har vore diskutert, men korleis skal det praktiserast, kven skal ha kode og brikke?

Hardy Pedersen sa at det har skjedd ein del ting rundt idrettsparken sidan Asplan Viak la fram sin plan.

Atle Utkilen sa at ein må vera sikker på at dei som er funksjonshemma har tilkomst, at dei som har bruk for tilkomst får dette.

Hardy Pedersen var uroleg for kva som ville skje om det kjem bom, kva då med handicappa? Har meir tru på tydeleg skilting, og beskjed til dei som skal ha lov til å kjøra inn til bana.

Myrmel svara at det er OK å gje brikke til alle i kommunen med HC, men dette vil ikkje hjelpe gjester utanfrå. Det er OK at trenaren med bilen full i utstyr kjører opp, men ikkje alle andre.

Handsaming i rådet:

Rådet tok dette som ei orienteringssak.

RMNF - vedtak:

Rådet tok dette som ei orienteringssak.

Saksopplysninger:

Bakgrunn

Formannskapet godkjente 11.06.2015 «Utbyggingsplan Årås skule og Austrheim Idrettspark.» Desse planendringane omfatta i hovudsak det interne veganlegget og parkeringsplassen, dette for at uteområdet til born og unge skulle verta meir trafiksikkert og funksjonelt for alle. Intensjonen med planarbeidet var mellom anna å optimalisere tilkomst, parkering og varelevering med omsyn til trafikktryggleik. Planområdet grensa og til eldrebustadane på Furuly. På grunn av dette planarbeidet vart det i 2015 bygd ein ny tilkomstveg frå vest til Furuly for å unngå køyring i skuleområdet, og der borna går til og frå skulen. Den gamle tilkomstvegen til Furuly vart stengt. Kommunen tok kostnaden med dette tiltaket, men fekk også eit tilskot frå Hordaland fylkeskommune som såg at det var viktig å unngå køyring i skuleområdet på Årås både i og etter skuletid. No er den tidlegare vegen til Furuly, som gjekk gjennom skuleområdet, stengt for biltrafikk.

Etter den tid har det oppstått spørsmål frå Austrheim Idrettslag om tilkomst til klubbhuset.

I saksutgreiinga til godkjenninga av den omtalte reguleringsplanendringa står det at:

Rådmannen vil peika på at noverande tilkomstveg ved Austrheimshallen skal stengast for køyring til idrettsbana og klubbhuset. Det skal berre etablerast naudsynte parkeringsplassar for handicappa og nyttetransport bak tribunen/klubbhuset. Trafikktryggleiken til born og unge i skuleområdet og i idrettsparken skal her prioriterast før bilistar og bilar inn i idrettsparken. Dette av omsyn til folkehelse, tryggleik og trivselen for alle.

Det at ungdomens hus vert bygd opp i tilknytting til Austrheimshallen gjer og sitt til at rådmannen ikkje ynskjer køyring forbi Austrheimshallen. Køyring her kan fort føra til farlege trafikksituasjonar både på kveldstid og dagtid både for born og unge. Tilsette, publikum og brukarar av skule og idrettsområdet både på dag- og kveldstid må parkera i byrjinga av idrettsparken på området avsett til parkering, dette vert nord for Austrheimshallen og i byrjinga av planområdet. Dette ligg inne i plankartet og i føresegnene. ROS-analysen ser dette som eit heilt naudsynt tiltak for å oppnå ein så trygg stad som mogeleg for born og unge.

Hordaland Fylkeskommunen skriv i sin uttale til planframlegget følgjande: *Endringa vil føre til betra forhold for dei areala som vert nytta av barn og unge. Det er positivt at ein har omsyn til trafikktryggleiken i planområdet og at ein legg til rette for universell utforming.*» Dei skreiv og at: *«Slik planen ligg føre vil endringane føre til betra samspel mellom bygningar og uterom.»*
Den 21.03.2019 vedtok formannskapet følgjande i sak 031/19 **Trafikksikring Årås skule:**

Rundkjøring ved skulen vert skilta med SKILT 302 LS KL2 / INNKJØRING FORBUDT med underskilt Gjeld ikkje buss, taxi, rørslehemma, tilsette og varelevering.

Dette skiltet er no sett opp.

Vurdering

Økonomi

I 2013 vart det utarbeidd eit kostnadsoverslag for ferdiggjering av heile anlegget. Samla kostnad var ca. 19,5 mill kr. Ein del av dette er gjennomført, utan at rådmannen i skrivande stund har rekna ut kor mykje. Med det investeringsnivået som ligg i Robek-kommunen Austrheim, er det ikkje mogleg med store investeringar dei næraste åra.

Det som er gjort:

- Stenge vegen ved Ungdommens Hus med bom
- Stenge vegen gjennom skuleområdet Årås skule med betongklossar, i føresegnene står bom.
- Lagt om og stengt vegen til Furuly
- Sett opp forbodsskilt ved inngangen til vegen gjennom skuleområdet
- Legge parkering og av/påstigning for foreldrekøyring til plassen ved idrettshallen
- Legge busskøyring og av/påstigning i rundkøyringa
- Lage til og skilte handikapparkering
- Utvide lærarparkering for å sikre mjuke trafikantar

Rådmannen ser det derfor som viktig at ein no utarbeider plan for dei enkle grepa som kan gjerast utan dei store kostnadene. Her står trafikktryggleiken høgt. No er vegen stengt med betongklossar. I planen står det bom. Det må lagast til oppmerka parkeringsplassar på plassen framføre idrettshallen mellom anna. Rådmannen vil ta initiativ til å laga ein framdriftsplan for arbeidet i dialog med partane i saka.

Trafikktryggleik må stå høgt. I debatten har synspunkta vore klare frå enkelte partar at dei skal kunne ha tilkomst. Frå kommunen si side er det understreka at det skal vere begrensing på tilkomsten med bilar. Mykje av diskusjonen dreier seg nok om korleis ein vil definere behovet for tilkomst med bil.

Leiar i RMNF har kome med framlegg om eit skriv frå rådet. Han skriv fylgjande:

Vår ref

Deres ref

Dato

tilkomst_austrheim_idrettspark_merknad_rmnf.docx

27.05.2019

NOTAT

Sak: **Tilkomst med bil til Austrheim Idrettspark**

Austrheim Idrettslag har sendt brev til kommunen. Dei ynskjer at tilkomstvegen til idrettsparken skal vera open for tilkomst etter kl 1630. Vi ynskjer å knyta nokre kommentarar til saka.

Trafikktilhøva ved Årås skule er ikkje tilfredstillande slik det har vore til no. Ekstra krevande har dette vore for rørslehemma. Vi er derfor glad for at kommunen tar problemet på alvor. Dette handlar tross alt om trafikktryggleik. Vi har ikkje nokon å mista. Vi vonar at trafikktryggleik også er fokuset når ein ser på tilkomsten til idrettsparken.

Det er lett å ha fokus på eigne særinteresser og å bagatalisera konsekvensar når ein ynskjer å oppnå noko. Idrettslaget har fokus på at det skal vera tilkomst heilt fram til idrettsparken. Vi har ingen problem med å forstå det ynskje. Vi vonar likevel at idrettslaget og dei dei representerar også vågar å sjå seg sjølv i speilet.

Vårt ynskje er at ein har med seg nokre refleksjonar, og vektlegg desse dei når ein tenkjer løysningar:

- Null toleranse på personskader – det vonar vi at alle kan vera samd om.
 - Kommunen er opptatt av trygg skuleveg – tilkomst til idrettsparken bør ha same fokus.
 - Kva gjer idrettslaget opp mot foreldre og andre vaksne med haldningar? Må ein alltid kjøre heilt fram til døra?
 - Opnar ein vegane slik dei er utforma i dag, uansett fartsdumpar, medfører dette risiko.
- Tilkomst først og fremst for dei som reelt treng det og naudsynt transport.
 - Noko kan faktisk ikkje gå fram til anlegget, husk det.
 - Skal dei som ved Årås skule, slita med å finna seg ein plass?
- Kor stort/reelt er behovet for å måtte kjøre heilt fram, for kven og kvifor?
 - Det er snakk om 100 – 200 meter, slik det er planlagt.
 - Er det borna som ikkje kan gå
 - Er det oss vaksne/foreldra som ikkje orkar?
 - Tar vi skade av å gå? Er det berre fordi vi skal ha det litt makeleg?

Det er utarbeid godkjent detaljregulering/planendring for området og med vedtekter. Godkjent plan opnar ikkje for fri kjøring inn til Idrettsparken. Det er berre opna for naudsynt kjøring søraust for idrettshallen. Vi vonar at alle respekterer denne.

Vi stiller gjerne opp for å bidra til konstruktive løysingar. Vert det synfaring eller opning for avvik frå gjeldande plan, ynskjer vi å ta del, minimum verta høyringsinstans.

Atle Utkilen

Rådet må ta stilling til om dei skal sende brevet eller gi ein annan uttale.

Saka vert lagt fram til drøfting.

Konklusjon

Saka vert lagt fram til drøfting.

Sakspapir

Saksnr	Utvalg	Type	Dato
008/19	Råd for menneske med nedsett funksjonsevne	PS	12.06.2019

Saksbehandler	Arkiv	ArkivsakID
Ketil Tjore	FE-033	19/443

Orienteringssak

Framlegg til vedtak:

Råd for menneske med nedsett funksjonsevne - 008/19

RMNF - behandling:

Unn Iren Martinsen Tangedal orienterte om arbeidet med Recovery-prosjektet opp mot rus og psykiatri, der ho er tilsett i delstilling som prosjektleiar, medan Frank Vågenes er tilsett som erfaringskonsulent og jobbar opp mot Grønt Arbeid og brukarane der. Kommunen har sett på om ein kan utvida tilbodet til fleire innbyggjarar i kommunen, i samarbeid med Nav.

Brukarane er inne og snekrar, i tillegg til at dei no på sommaren er mykje ute og gjer vedlikehaldsarbeid. Legg også opp til andre aktivitetar, som turar, bruk av idrettshallen, og felles måltid kvar fredag. Ryddar stiar, grasklypping, arbeidet er også lagt opp som ein sosial aktivitet der dei har tid til å prata saman. Fleire har auka aktiviteten og er med fleire dagar enn tidlegare, og enkelte har komme så langt at dei tenkjer på moglegheiter for utdanning.

Monika Thorpe spurte om det var stort tilfang av brukarar. Unn Iren Martinsen Tangedal svara at det kan vera vanskeleg å driva med brukarar som kanskje klarer ein dag men ikkje den neste, men ser samstundes at det går betre for dei som først kjem innom tilbodet i Grønt Arbeid. Har sett på samarbeid på tvers av etatar, men det kan vera vanskeleg.

Tone Rugset spurte om det var etablert henteteneste. Tangedal svara at det ikkje er i gang så langt. Per no har ein fem brukarar, men samstundes to til som så langt ikkje har møtt. Tenkjer også på om ein kan utvida tilbodet opp mot til dømes unge uføre.

Olav Mongstad sa at dette skal vera eitt av kommunen sine tilbod til dei mellom 18 og 30 som skal ha eit aktivitetstilbod.

Monika Kvamme peika på at dette er eit lågterskeltilbod, det er viktig at ein ikkje aukar opp for mykje for tidleg.

Hardy Pedersen spurte om dei to som ikkje har møtt, kva som er bakgrunnen, og vert det teke direkte kontakt med dei. Tangedal svara at ho ikkje er direkte i kontakt med brukarane.

Universell tilkomst til kommunale bygg:

Leiar teknisk drift, Rolf Henning Myrmel, orienterte om tilstanden for dei kommunale bygga:

- Austrheim kommunehus

Universell tilkomst.

Har automatisk døroppnar til legekontor og servicekontor.

Har heis for tilkomst til 2 og 3 etg.

Handikaptoalett i 1 etg. Manglar automatisk døroppnar.

Manglar automatisk døroppnar frå servicekontoret for besøk til bibliotek.

Manglar ledemerking i golv og trapper.

Andre som skal opp i 2 og 3 etg skal ein hente i servicekontoret.

- Kystbarnehagen

Universell tilkomst.

Er tilrettelagt med heis, automatisk døroppnar og ledemerking.

Handikaptoalett.

- Årås skule.

Bygg på eit plan, universell tilkomst.

Automatisk døroppnar på hovudinngangar.

Handikaptoalett.

Manglar automatisk døroppnar på klasserom.

Manglar ledemerking i golv.

- Klubbhus (idrettsparken)

Universell tilkomst.

- Ungdommens hus

Universell tilkomst.

Manglar automatisk døroppnar.

- Idrettshall

Universell tilkomst.

Manglar automatisk døroppnar

- Kaland barnehage.

Bygg på eit plan, universell tilkomst.

Manglar automatisk døroppnar.

Manglar ledemerking i golv.

Manglar handikaptoalett.

- Kaland svømmehall.

Bygg på eit plan, universell tilkomst.

Automatisk døroppnar på hovudinngang.

Handikaptoalett.

Manglar innvendig automatisk døroppnarar. (Er tilrettelagt for det).

Manglar ledemerking i golv.

- Kaland skule.

Bygg på fleire plan. Ikkje universell tilrettelagt.

Trappeheis Kaland 2 er vurdert montert. Venter på tilbod.

Handikaptoalett Kaland 2 og i symjehall.

Plan for handikaptoalett ved hovu

På Årås skule skal ein elles leggja fallmatter i staden for grus for å leggja betre til rette for ein elev der.

Handsaming i rådet:

Rådmannen sitt framlegg vart samrøystes vedteke

RMNF - vedtak:

Orienteringane vert teke til vitande.

Saksopplysninger:

.



TEGNFORKLARING

- Planområdes avgrensning
- Nytt terreng
- Tomtegrense
- Bilveg
- Gangareal (asfalt)
- Grus
- Betongdekke
- Plastøpt fallunderlag
- Eksisterende bygg
- Ungdommens hus
- Gressplen
- Eksisterende/naturlik vegetasjon
- Benker/sittemøbler
- Skate-/sitteslementer
- Eksisterende trær
- Nye trær
- Belysning 7-er bane

Rev.	Tilset	Rev.dato	Kont.
-	-	-	-
-	-	-	-
-	-	-	-
-	-	-	-
-	-	-	-
-	-	-	-

FORPROSJEKT

Prosjekt
AUSTRHEIM IDRETTSPARK

Prosjekt
AUSTRHEIM KOMMUNE

OVERSIKTSPLAN

Opprinnskaler: JS	Prosjekt: LCPS	Maalstokk: 1:1000/A1
531399	AW	03.10.13
LB -- 001	Rev.	- F



Sakspapir

Sakshandsamar:	Olav Mongstad		
Arkivsaknr.:	19/439	Klassering:	

Kommunale bygg - status på universell utforming

Rådmannen sitt framlegg til vedtak:

RMNF tar saka til vitande

Saksopplysningar:

Bakgrunn

DIFI har definert universell utforming på denne måten:

Universell utforming handlar om å utforme omgjevnadane slik at vi tek omsyn til variasjonen i funksjonsevne hos innbyggjarane, inkludert personar med nedsett funksjonsevne. Når du lagar noko som er universelt utforma, når du alle målgruppene gjennom éi og same løysing.

Likestillings- og diskrimineringslova definerer universell utforming slik:

Med universell utforming menes utforming eller tilrettelegging av hovedløsningen i de fysiske forholdene, herunder informasjons- og kommunikasjonsteknologi (IKT), slik at virksomhetens alminnelige funksjon kan benyttes av flest mulig.

Status på ein del av dei kommunale bygga i Austrheim er slik:

- **Austrheim kommunehus**

Universell tilkomst.

Har automatisk dørøpnar til legekontor og servicekontor.

Har heis for tilkomst til 2 og 3 etg.

Handikaptalett i 1 etg. Manglar automatisk dørøpnar.

Manglar automatisk dørøpnar frå servicekontoret for besøk til bibliotek.

Manglar ledemerking i golv og trapper.

Andre som skal opp i 2 og 3 etg skal ein hente i servicekontoret.

- **Kystbarnehagen**

Universell tilkomst.

Er tilrettelagt med heis, automatisk døropnar og ledemerking.

Handikaptalett.

- **Årås skule.**

Bygg på eit plan, universell tilkomst .

Automatisk døropnar på hovudinngangar.

Handikaptalett.

Manglar automatisk døropnar på klasserom.

Manglar ledemerking i golv.

- **Klubbhus (idrettsparken)**

Universell tilkomst.

- **Ungdommens hus**

Universell tilkomst.

Manglar automatisk døropnar.

- **Idrettshall**

Universell tilkomst.

Manglar automatisk døropnar

- **Kaland barnehage.**

Bygg på eit plan, universell tilkomst.

Manglar automatisk døropnar.

Manglar ledemerking i golv.

Manglar handikaptalett.

- **Kaland svømmehall.**

Bygg på eit plan, universell tilkomst .

Automatisk døropnar på hovudinngang.

Handikaptalett.

Manglar innvendig automatisk døropnarar. (er tilrettelagt for det).

Manglar ledemerking i golv.

- **Kaland skule.**

Bygg på fleire plan. Ikkje universell tilrettelagt.

Trappeheis Kaland 2 er vurdert montert. Venter på tilbud.
Handikaptoalett Kaland 2 og i symjehall.
Plan for handikaptoalett ved hovudinngang.
Manglar automatisk dørøpnar.

Vurdering

Austrheim kommune utformar nybygg og rehabiliterte bygg etter kravet om universell utforming.
Når det gjeld eldre bygg, vert dette kravet vurdert når behov oppstår.

Konklusjon

Rådet tar saka til vitande

Sakspartar